

ձ՛նե.

Ձարալը օղլու սեւստու փաշայն բազում զրկանս և կոտորածս արարեալ ի թօխաթ, և ապըստամբեալ ի թագաւորէն. զօրս ի վերայ կարգեցին, և յաղթեալ զնա, բերին զզլուխ նորա յաւուրս յայտօսիկ ի կոստանդնուպօլիս: Գարձեալ արապ խատըմ մի երբեմն մեծ պաշտօնեայ ի սառային տաճկաց և յաղազս յանցանաց սիրկինն արարեալ, ապստամբեցաւ. և զօրաժողով եղեալ իբր տասն հազարօք, հարուածս մեծամեծս հասուցանէ տաճկաց, մինչև զհաճըլարսն կոտորեաց, և զայլ բազում չարիս արար, վասն որոյ և տաճիկք ի հոգս են: ([Հ. Մկրտիչ Անանեան] առ Մեղգոնեան, 1757 մայիս 19. [Կ. Պոլիս]):

ձ՛նգ.

Շինուած գրքատան վասն չկարելոյ բուսուցանել զանցեալ ծախսն, յայտմ ամի անգործ մնաց: (Հ. Գաբր. վրդ. առ Հ. Մկրտիչ Անանեան, 1757 յունիս 22. [Ս. Ղազար]):

ձ՛նկ.

Յետ պայրամին եմուտ խորհուրդ ի մէջ այլազգեաց վասն ապստամբութեան, և գտան ուրեք ուրեք այնպիսի ոմանք, և ի խեղդ մահու վճարեցան. և զի մի տրտունջ նոցա զօրացի՝ եղև եսսախ խալփախից և անկարգ զգեստուց հրէից և քրիստոնէից:... Գիտեմ զի քան զմեզ աւելի բարւոք իմացայք զհրաշալի յաղթութիւն թագուհւոյն ընդդէմ պռանտէպուսկաց, և զազատութիւն բրակայ քաղաքի բոյեմոյ: (Հ. Իգև. առ Մեղգոնեան, 1757 յուլիս 15. ի Կ. Պոլիս):

ձ՛նլ.

Տետր մի հնարեցին հայք, զոր տան ամենեցուն ձրի, յորում գրեալ կայ պատմութիւն ինչ հանդերձ կարճ վիճաբանութեամբ. իբր թէ սուրբն Ներսէս Լամբրօնացին զկնի տարսոնի ժողովոյն՝ ի կոստանդնուպօլիս գնացեալ դեսպան, յաղթեալ է բոլոր վարդապետաց յունաց, ջատագովեալ զմոլորութիւնս հայոց, որոց բովանդակն սուտ է և զրպարտական, զմին ի նոցանէ առի և առաքեմ ի վանս: (Հ. Մկրտիչ առ Մեղգոնեան, 1757 յուլիս 19. [Կ. Պոլիս]):

ձ՛նք.

Ձայս բառարանս [Ստ. Ռոշքայ Լեհացույ] տեսի ես ի ստանիսլաւ քաղաքի, լիագոյն քան զմեր սակաւ ինչ, է ի հայէ առ լատին, և ի լատինէ ի հայ լեզու, ստուարութիւն է յայտաւուրին չափ:... ողորմած հոգի Տէր գրիգոր ըզուանջայու Աւագէրէցն նման էր սակաւ ինչ կերպարանօք և բարուք հօրս մերոյ ողորմած հոգի Մխիթար Աբբային, վասն զի զայս սքանչելի այրս ոչ միայն ողբաց ազգն հայոց այլ և առ հասարակ սարմատացիք, ռուգք, յոյնք, հրէյայք, տաճիկք, մինչև շուարեալ մնացի ընդ առն մեծասքանչ համբաւոյն: (Հ. Սահակ առ Հ. Մկրտիչ Անանեան, 1757 յուլիսի 20. [տեղի?]):